



12228

順適堂吟藁戊集

笠澤葉

景文

己酉九日次靖節是歲是日韻

采采籬下菊熙熙白首交擊觴酬佳節先驚蒲
柳凋日月不再與名位空相高歸然龍山青千
古擎丹霄彼美一晉士長接辭塵勞畱錢寄酒
家快飲如沃焦尚友前輩意兀兀而陶陶且了
今日歡誰能憂來朝

長相思

追和姜梅山特立韻

順適藁戊

一讀畫齋正本

長相思情萬折年少不來春又別寶匳香繡幃
月鴻鴈音信稀鴛鴦魂夢絕尚持百年願料理
丁香結

松江

占得中吳第一清尊鱸里社可鷗盟七層燈火重
湖影千尺闌干兩市聲欸乃歌分長短律往來
帆帶古今情三高豈是無名利祇與時人有重輕

南明樓 僧舍

重簷敞處受槐薰掃盡江村雨後雲佛法本無

南北異世情強有晦明分箇中苟住元無住此
外無聞卻是聞誰道結樓人已去牀頭詩版幾
朝曛

壺中林壑

山下水一泓山上雲一朵有塵飛不來終年風
月我

柿葉

柿葉紅如染橫陳几席閒小題秋樣句客思滿

江山

順道囊戊

道院

菰蒲衛竹居適意在江湖富貴諸公有清閒舉
世無四時盤谷序一景輞川圖何處無芳草堪
嗟楚大夫

旅中

節序幾循環重來秋又殘霜晴生酒熟風冷夾
衣單未羨千鍾祿寧求一枕安白頭逢歲稔憂
國素心寬

寄台守

半世困塵埃煙霞入夢來誰能縮地脈我已思
天台城古清雲氣山靈秀藥材春時穿徑去郡
守莫驚猜

靈運事

林和靖祠

鶴去山孤草亦荒旋吟長句謁虛堂束芻尚擬
人如玉一朵梅花當瓣香

三高祠

一爲功成一見幾一逢叔世老漁磯後人欲隱
求其志志不因時隱亦非

順適臺成

白牡丹

洛陽分種入侯家魏紫姚黃謾自誇素質不爲
顏色污看來清得似梅花

生日對梅口占

一生已得半生閒出入詩篇酒盞閒祇把小兒
看造化不妨老子號癡頑幻身且喜無諸恙靈
藥誰能覓大還多謝梅花來薦壽年年雪裏破
春顏

次王竹齋韻

忘身忘世老方回
適處從教節物催
幾日吟情爲熱惱
一天生意趁涼來
屋邊花竹時時好
水外軒窻面面開
獨有此君同此趣
百年事業兩三杯

漁家行

湖濱江澚疎疎村村漁
家人子孫爲魚不管
波浪惡出未天明歸黃昏
得來魚可數妻兒相對語
饕餮頭有壘熟鍋中無米煮
昔日魚多江湖寬
今日江湖半屬官
釣筒釣車謾百尺團圞帆
罟空多般蓋蓑臘雪楊柳岸
籠手西風蘆荻灘
差差舴艋千百隻
盡向其中仰衣食
幾謀脫離江湖歸犁鋤
似聞歲惡農家尤費力

石湖

千古湖山人物百年翰
墨文章寂寞梅花開處
一尊自酌寒香

蠶婦吟

九日三眠火力齊
五朝又報四眠時
辛勤一月方能繭
繰得成絲卻賣絲

又

掃下烏兒毛樣細滿箱桑葉翦青柔大姑不似

三姑巧今歲練絲兩倍收

諺有大姑拙三姑巧之語

昭君怨

塞上將軍且罷兵一身萬里自經營將軍歌舞
升平日卻調琵琶寄怨聲

自適

澹薄野人心難教著利名重農田舍熟省事世
情生石老旗槍葉池喧鼓吹聲東風知此樂飛

順適囊戌

五讀畫齋正本

絮蕩新晴

霽後

半日斷梅雨兩山生火雲聰明書少蠹壁潤帳
多蚊無計清時暑何心解世紛追思河朔輩倚
箏對爐熏

垂虹橋

松江居橋之東太湖居橋之西

何年現采虹懸足控西東兩地煙波隔一天風
月同艣聲搖鴈柱簷影覆龍宮雉虜曾垂釣誰
收餌虜功

意亭

泉石聊復爾杖屨亦偶然萬化同一適魚鳶兮
天淵

野雲菴

變態分陰晴悠悠浮太虛冥與此心契時哉道
卷舒

鶴隴

一隴以鶴名疑是終南徑山靈無獻嘲出處由
來定

順適臺

雪磴

不記門前路門前一尺深梅花如有語參透老
逋心

槃礪

盤旋山水間隱者固所樂寐寤獨言時畎畝心
猶昨

耐久交

石

彼哉市道交出語指天日未逢魏與裴三歎扁
斯石

意行橋

枯槎浸清溪飄飄野雲度徘徊復徘徊
撚髭未成句

次游法喜寺韻

招提四百載不與世劫俱松陵拱空覺柏香祠
眞如時秋兆嫩涼揖客登其廬廊邃碑篆剝閣
迴鐘聲疎中有白足侶光現摩尼珠勘問點頭
石奔走觀心狐坐我六和室風回晴窻虛棊枰
迭勝負譁音發酒餘飽分蔬筍供似可山林居
同是百年客得此一日娛遠社不復見熟與斯
人徒松日簸斜影麾兒呼移厨駕流來鱸鄉野
雲黏菰蒲客散漁火稀冉冉吟篷孤

次韻

枯坐如僧欠鉢單年來夢不赴槐安稀行種竹
容風入大字鈔書就月看爲有故人同冷淡非
千明主棄孤寒因閒悟得家山趣堪笑世閒行
路難

次韻

過牆新竹粉痕黏蛙鬧池塘燕掠簷自喜江鄉
成懶散從教世界要莊嚴稻秧井井畦千緯荷
葉田田水一匳心事太平風物好與人無愛亦
無嫌

又

難把來箋向後黏載持珠玉傍風簷吟根此性
辭平易學本於經意簡嚴未遜彌明聯石鼎還
嗤韓渥賦香匳陽春政不容人和自聽巴音亦
自嫌

順適棗戔

八讀書齋正本

香匳體

相思獨向小窻明試翦春衣趁晚晴還覺此情
絲樣小欲裁不斷柰何情

又

雌蝶雄蜂綴杏枝此時此意妾心知等閒繡在
香囊上寄與東風贈所思

又

千里相思兩寂寥東陽應減舊時腰書中喜有
歸來字攜傍紅窻把筆描

又

綠楊紅杏開牆頭畫出眉山卻帶秋一行珠簾
休捲上怕春知道有人愁

又

倚樓目斷暮江邊約定歸期夜不眠香篆有煙
燈有暈笑移鍼線向牀前

秋感

蘋洲起壯風秋事太怱怱節候一番別心期幾
處同牛沈苔暈碧蟬斷蓼拖紅有客愁無奈人

順適彙成

九讀畫齋正本

生總客中

牛沈蟬斷皆田舍物

泊然亭

僧舍

舉世正營營閒中意味深無憂伸足夢自樂曲
肱吟火輦香凝穗簷虛樹長陰客來難舉似指
水印禪心

菊

壽客若爲情風流友麴生殿秋安晚節爲隱被
香名曼衍南陽種淒涼楚澤英見山應自語今

古幾淵明

花之隱逸出愛蓮說

一萬宗推篷圖

載月船空漾寒綠掀篷半卧聽漁曲誰家雷連
萬玉妃羞露腰肢和面目有緣竊見馳酥胷靈
堅習習生香風剡溪藤下路如掌憶在西湖煙
雨中迦葉相迎開口湯休謝晝幾搔首世閒
不盡有餘機除卻逃禪人解不

晚春

年少逢春不惜春惜春還是白頭人飛花入坐
兒曹舞細草蒙階醉後裊未羨食前羅五鼎靜
看簷隙走雙輪此心已與堯夫似同爲清時作
幸民

用東坡韻賀可山得子

祥光一夜照鄉閭遲曉鄰翁毓鳳雛舉坐已誇
沾玉果傳家應不負詩書生時恰恰逢秋半長
日駸駸課夜餘自顧阿戎愚且魯提孩敢說巧
相如

再韻賀可山新生彌月

人誇旌表舊門閭梅長新枝鶴長雛入葉可提

和靖印十箱須讀阿宜書
誕彌厥月生無害積善之家慶
有餘準擬一饗湯餅供奈何
逢疾似相如

春寒

寒禁蕨芽拳尚小雨緘
茶觜舌無香山翁不信
春光老祇道農家未種秧

次韻

世閒何事不何樓莫爲何樓
苦苦愁貴客五更馳寶勒
海翁終日對沙鷗

順道案成

士讀畫齋正本

次范無外孫花翁游法喜寺韻

兩橋橫處放潮回
橋外花村漲晚埃
省事老禪門閉早
焚香對月禮如來

又

江流環合路紆回
香火千年地少埃
佛法本從方寸起
逢人剛道自西來

簡閒雲

咫尺不相見
隔江應見難
有孤今雨約
轉覺暮雲寒
是處蓮堪社
何時芋共餐
相思正無賴
鵲

喜近闌干

二子讀詩戲成

翁琢五七字兒親三百篇要知皆學力未可以
言傳得處有深淺覺來無後先殊途歸一轍飛
躍自魚鳶

舟行次韻

相逢隱者流同是五湖舟爲老銘三住因閒話
四休黃沙明野渡畫角咽譙樓已踐登山約煎
茶更少畱

順適橐戈

十二讀書齋正本

又

河漢淨如流枯槎便可舟掉頭諸事懶彈指半
生休撼竹風疑雨依山屋當樓此游情味好應
不待苛畱

自釋

繁紅妒紫絢前林杖策來樓花下陰休道游情
難似昔可能他日尚如今乍晴澗曲縈流水未
曉庭臯調野禽畢竟老天憐老子幽閒斷送一
生心

寄越倅

幾欲扁舟載雪來
可人風月相蓬萊
因思渭北吟春樹
消得江南寄早梅
應接山川公事省
主盟觴詠曠懷開
何當身與浮雲似
朝暮飄飄往又回

林可山薦毛監場寫梅

漢庭延壽丹青名
解使蛾眉休甲兵
之子懶作迺翁畫
直向梅花苦用情
筆端不復汚脂粉
踰成天地無邊清
更將此意語君復
歲寒應與孤

順適囊衣

十三讀畫齋正本

山盟

贈立虛舟

植杖踞磐石
邂逅蹌跟師
叩之何方來
偃息招龜池
杭蘆訪蕁江
臨流弄漣漪
春老芳事歇
風前蒲差差
人景與心會
聊以聲吾伊
作茗話今昔
幾逢夜壑移
達哉無住想
遙與蒙莊期
名似囿於物
非莊所能知
三語三不荅
出門賓晴曦

舟中卽事

一岸菱蘆何處村
小舟蕩漾日黃昏
棲鴉散亂

風驚柳漁火清熒人倚門

次韻

看月過天中貪幽臭味同竹光延野碧燈影染
牕紅聽客談時務呼兒誦國風還思浮世事到
底是匆匆

餞族姪入幕

衝寒謁子陵好挹釣臺清若遇多梅處須寬半
日程少年先器識實地作功名太守賢明甚當
如事父兄

順適囊戌

道院偶成

把茅爲屋竹爲城柏子香銷道氣生九十春光
花一片萬千心事兩三更連村鼉鼓相高下斷
浦漁燈半滅明閉戶和衣尋小榻夢回猶聽讀
書聲

邑宰劭農

雙鳧小駐柳邊洲豈是花時作勝游著意勸民
躬耒耜終朝把酒話田疇三年兩下車塵拜九
客同爲野景畱桃李成陰春欲去寸心耿耿夕

陽舟

餞友歸侍

閩江閩山相對青
照人肝膽寒如冰
路旁脩松夾古桂
風鼓吟髭月隨袂
君有萊衣我獨無
此樂不能與之俱
老夫耄矣君年少
喜見功名將遠到
歸歟歸歟盍歸歟
長途玉汝千金軀
來秋來作廣寒客
相攜醉舞紅塵陌

去去

去去扁舟對晚暉
晴和直欲減綿衣
風來一陣

順適棠棠

五讀畫齋正本

蘆花過祇道春殘
柳絮飛

溪上偶成

霜冷信冬晴
茗溪半日程
正逢辭月色
欹枕受松聲
漁隱前時約
山謳古樣情
料應朝市客
笑我獨爲清

又

新月試新晴
扁舟夜奔程
咿啞千萬意
曖迺兩三聲
熟識旅中事
生嫌世上情
願爲山簡醉
休問伯夷清

桃花

漫山高下武陵花一片紅酣散晚霞要識當時
秦晉事隔溪脩竹兩三家

優鉢羅花

九房六瓣瑞天山香色清嚴入坐寒不悟岑參
題品意後人祇作佛花看

次韻

竹滿園林水滿溝幽深地位度春秋坐中不可
無侯喜歌處何須有莫愁別墅簾櫳風颭燕遠

順適臺

正本
讀畫齋

村簾笠雨耕牛老來應物猶強健多少壯年成
夢休

清暉亭

僧舍

半點囂塵不敢畱晴光野色自浮游一泉走石
夜多雨萬竹圍松風似秋賸喜有詩堪獻佛從
教無骨可封侯上人回施清閒供蘭芷香中著

茗甌

乾隆壬寅十一月十三日宋刻校於知不足齋

廷博

順適堂吟藁戊集

